

GJALDSKRÁ

Hafnarsjóðs Strandabyggðar.

Almennt.

1. gr.

Gjaldskrá þessi fyrir Hafnarsjóð Strandabyggðar er sett skv. heimild í 17. gr. hafnalaga, nr. 61/2003, sbr. ákvæði til bráðabirgða I. Miðað er við að hafnarsjóður geti haft nægar tekjur til þess að standa undir rekstri hafna, sbr. 5. tölul. 3. gr. hafnalaga þ.m.t. fjármagnskostnaði, afskriftum og rekstri. Gjaldskráin tekur breytingum skv. ákvörðun sveitarstjórnar hverju sinni. Virðisaukaskattur 24% leggst á öll gjöld við útgáfu reikninga.

Um gjaldtöku sem tengist stærð skipa.

2. gr.

Við ákvörðun gjalda, sem taka mið af stærð skipa, skal miðað við brúttótonnatölu (bt) skipa samkvæmt alþjóðlegu mælingarbréfi, sem gefið er út í samræmi við alþjóðasamþykktina um mælingu skipa frá 1969. Af öllum skipum skal greiða tilheyrandi gjöld til hafnarsjóðs ef þau koma inn fyrir takmörk hafnarinnar og njóta þjónustu hennar.

Skipagjöld.

3. gr.

Lestargjöld.

Af öllum skipum skal greiða lestargjald, 21 kr. á mælieiningu (1 mælieining = bt) skv. 2. gr., en þó ekki oftar en tvisvar í mánuði.

Bryggjugjöld.

Af öllum skipum sem leggjast við bryggju eða hafnarbakka skal greiða 12 kr. á mælieiningu fyrir hverja byrjaða 24 tíma sem skipið liggur bundið. Fiskiskip greiða þetta gjald eigi oftar en 26 sinnum í mánuði. Heimilt er að taka lestar- og bryggjugjald af fiskiskipum og minni bátum, sem mánaðargjald, 156 kr. á mælieiningu, en þó aldrei lægra en 17.450 kr. á mánuði. Bátar minni en 20 bt greiði þó aldrei lægra en 11.390 kr. á mánuði.

Farþegabátar, hvalaskoðunar- og sjóstangaveiðibátar yfir 20 tonn greiði tvöfalt viðlegugjald. Þau skip og bátar sem ekki greiða aflagjald í 6 mánuði samfellt greiði tvöfalt viðlegugjald. Skútur og skemmtibátar sem koma til hafnar greiði 14.905 kr. fyrir hverja byrjaða viku.

Skip sem ekki er í rekstri né leggur upp afla hjá Hólmavíkurhöfn, skal greiða fullt bryggjugjald fyrir hvern legudag og nýtur ekki afsláttarkjara í formi viðlegugjalds. Skip sem legið hefur óhreyft lengur en 6 mánuði í höfn telst ekki lengur í rekstri.

Undanþegin eru varðskip og skip sem leita hafnar vegna sjóskaða eða til að láta í land sjúka menn eða látna, svo fremi þau hljóti ekki aðra þjónustu.

Vatnsgjald fyrir báta undir 30 bt er innifalið í lestar- og bryggjugjöldum.

Lestar- og bryggjugjöld eru innifalin í viðlegugjaldi, sjá 14. gr.

Vörugjöld.

4. gr.

Vörugjald skal greiða af öllum vörum sem fluttar eru af skipsfjöllum á land eða úr landi á skipsfjöllum, eða úr einu skipi í annað, innan takmarka hafnarinnar, þó með þeim undantekningum er síðar getur.

5. gr.

Þessar vörur eru undanþegnar vörugjaldi:

- Umbúðir sem endursendar eru.
- Olía, vistir og aðrar nauðsynjar skipa til eigin notkunar.
- Almennar póstsendingar og farangur ferðamanna.
- Úrgangur sem fluttur er til eyðingar.

6. gr.

Vörugjald reiknast eftir þyngd eða verðmæti, með umbúðum og af hverri sendingu sérstaklega. Fara skal eftir farmskrá skipa við útreikning vörugjalds. Skipstjóri eða afgreiðslumaður skips skal láta höfninni í té afrit af farmskrá. Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farneigandi kostnaðinn. Séu ósundurliðaðar fleiri en ein vörutegund í sendingu skal reikna vörugjaldið eftir þeirri tegund sem hæst gjald skal greiða af.

Vörugjaldskrá.

7. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

1. fl. Gjald 441 kr. fyrir hvert tonn:
Kol, laust korn, salt, vikur, kísilgúr, bensín, brennsluolíur, þörungamjöl, sement, áburður og úrgangur sem fluttur er til endurvinnslu.
2. fl. Gjald 800 kr. fyrir hvert tonn:
Lýsi og fiskimjöl.
3. fl. Gjald 885 kr. fyrir hvert tonn:
Þungavarningur, svo sem sekkjavörur, óunnið járn og stál, veiðarfæri, smurningsolíur, sjávarafurðir, landbúnaðarafurðir, hráefni til iðnaðar og byggingaframkvæmda. Pökkuð og niðursoðin matvæli, óáfengar drykkjarvörur og ávextir.
4. fl. Gjald 1.140 kr. fyrir hvert tonn:
Sjávarafli lagður á land eða í skip á hafnarsvæðinu til vinnslu og brottflutnings.
5. fl. Aflagjald reiknast 1,89% af heildarverðmæti
Kaupanda afla ber að afhenda skrifstofu Strandabyggðar skýrslu um keyptan afla um leið og sala hefur átt sér stað, t.d. afrit af aflaskýrslu til Fiskistofu. Aflagjaldið fellur í gjalddaga um leið og afla er landað. Kaupandi ber ábyrgð á greiðslu aflagjalds. Hámarksgjald samkvæmt lið þessum er 8.083 kr. fyrir hvert tonn.
Lágmarksgjald í öllum flokkum er 440 kr.
Af flutningi vinnutækja innanlands skal veita allt að 50% afslátt.
Af frystum afla frystitogara og eldisfiski reiknast aflagjald af helmingi heildarverðmætis. Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverði.

Sorphirða.

8. gr.

Eftirfarandi gildir fyrir skip og báta sem hafa fasta viðveru og borga mánaðargjald:

Fristundabátar	532 kr. á mánuði
Bátar að 20 bt	2.262 kr. á mánuði
Bátar 21–30 bt	3.330 kr. á mánuði
Bátar yfir 30 bt	6.759 kr. á mánuði

Móttaka á sorpi, ein ferð á flokkunarstöð kr. 14.765 kr.

Að auki reiknast kostnaður vegna gjaldskrár Sorpsamlags Strandasýslu sem getur verið breytilegur.

Aths.: Tekið er lágmarksgjald hvort sem skilað er inn úrgangi eða ekki. Forsvarsmenn útgerða eru því hvattir til að safna saman úrgangi og skila inn við komu í höfn. Förgunargjaldið skal standa undir kostnaði við förgun úrgangs sem skilað er í land.

Vegna skipa sem hafa ekki fasta viðveru skal greiða gjöld fyrir sorp skv. gjaldskrá sorpmóttakanda.

1. *Úrgangsgjald:* Við komu skips til hafnar skal greiða 1 kr./bt gjald sem skal standa undir kostnaði vegna eftirlits og umsýslu við móttöku á sorpi. Lágmarksgjald 7.490 kr. og hámarksgjald 63.510 kr.
2. *Úrgangsgjald:* Gjald sem lagt er á vegna a liðar má lækka ef skipstjóri getur sýnt fram á að minni úrgangur verði til um borð í skipinu fast gjald 1 kr. á brt en þá er lágmarksgjald. 7.235 kr. en hámarksgjald 61.360 kr.
3. *Úrgangsgjald:* Skip og bátar sem koma oftar en fjórum sinnum til hafnar á árinu greiða skv. b-lið fyrir fimmtu komu og allar komur eftir það
4. Skip og bátar sem hafa varanlega viðlegu skulu greiða fast mánaðargjald vegna umsýslu og eftirlits hafnar vegna móttöku á sorpi. Gjaldið skal vera skv. 1. mgr. hér að framan.
5. *Förgunargjald:* Við komu skips til hafnar skulu öll skip sem falla undir 11. gr. laga nr. 33/2004 greiða förgunargjald óháð því hvort þau skila úrgangi í land eða ekki. Förgunargjaldið skal standa undir kostnaði við förgun úrgangs sem skilað er í land.
 - a. Farþegaskip yfir 60 metrar að lengd skulu greiða 2 kr. á hverja brt tölu skipsins og miðast gjaldið við eftirfarandi sorpmagn
 - b. Farþegaskip undir 30.000 bt 5 m³
 - c. Farþegaskip frá 30.000 bt 10 m³
 - d. Farþegaskip yfir 100.000 bt 15 m³
 - e. Öll önnur skip skulu greiða 3 kr. á bt og þá miðast gjaldið við 5 m³ af sorpi.
6. Leiti skip til viðurkennds aðila um móttöku á úrgangi getur það fengið álagt förgunargjald samkvæmt e-lið endurgreitt enda skili það áður kvittun móttökuaðilans ásamt réttum upplýsingum um losun magns. Skilyrði endurgreiðslu kostnaðar er að kvittun móttökuaðila hafi borist á skrifstofu Strandabyggðar innan tveggja sólarhringa frá brottför skips. Kjósi skipstjóri eða útgerðarmaður þjónustu viðurkennds sorpmóttökuaðila þá greiðir hann allan kostnað þar að lútandi og skal skila til hafnarinnar útfylltu eyðublaði um magn og sundurliðun þess úrgangs sem skilað er í land. Misbrestur á þessu getur leitt til tilkynningar til Umhverfisstofnunar.
7. Samkvæmt 11. gr. reglugerðar nr. 1200/2004 getur Umhverfisstofnun veitt skipum í áætlunarsiglingum sem hafa reglulega viðkomu í Hólmavíkurhöfn og sýna fram á trygga afhendingu úrgangs og greiðslu gjalda í hverri höfn á siglingaleiðinni, undanþágu frá afhendingu úrgangs. Skipstjóri eða eigandi skips sem fengið hefur undanþágu Umhverfisstofnunar um afhendingu úrgangs eða skilum á tilkynningum skal framvísa gildri staðfestingu þess efnis
8. *Förgunargjald:* Skip sem eru undanþegin gjaldskyldu skv. c-lið 1. tölul. 2. mgr. 17. gr. hafnalaga, nr. 61/2003, skulu eftir sem áður greiða fyrir losun og förgun sorps hvort sem óskað er eftir viðurkenndum móttökuaðila eða ekki.

Festargjöld.

9. gr.

Festargjald fyrir hvern starfsmann í dagvinnu verði 15.995 kr.

Festargjald fyrir hvern starfsmann í yfirvinnu verði 21.210 kr.

Greiða skal gjöld bæði fyrir komu og brottför. Við komu skipa eru tveir starfsmenn en við brottför einn. Þó er hægt að fá undanþágu hjá hafnarverði frá reglu þessari í sérstökum tilfellum.

Vatnssala.

10. gr.

Vatnsgjöld: Vatn afgreitt frá bryggju.

Vatn afgreitt til skipa 31–60 bt 7.325 kr. í hvert skipti

Vatn afgreitt til skipa yfir 60 bt 11.275 kr. í hvert skipti

Vatnsgjald fyrir báta undir 30 bt er innifalið í lestar- og bryggjugjöldum.

Vatnsgjald er innifalið í viðlegugjaldi.

Vigtargjald.

11. gr.

Almenn vigtun	223 kr. á hvert byrjað tonn
Lægsta gjald fyrir einstaka vigtun	1.000 kr.
Vigtun í yfirvinnu	7.690 kr. pr. klst.
Ef kalla þarf í vigtarmann eftir lokun hafnarvogar greiðast 4 klst í útkall á hvern bát.	
Opnun hafnarinnar er frá kl 8.00–21.00 virka daga og 12.00–20.00 um helgar	

Rafmagnssala.

12. gr.

Rafmagnssala	23 kr. á kWst.
Mæla og tenglagjald	3.765 kr.
125 AMP tenglar 2 tenglagjöld pr. mánuð	10.090 kr.
Rafmagnstengigjald	3.675 kr.
Rafmagnstengigjald í yfirvinnu	7.135 kr.

Hægt er að vera með eigin mæla séu þeir viðurkenndir og samþykktir af starfsmönnum hafnarinnar, fellur þá niður mæla og tengigjald.

Rafmagnsgjöld geta breyst án fyrirvara samkvæmt breytingu á gjaldskrá Orkubús Vestfjarða hverju sinni.

Kranagjald.

13. gr.

Kranagjald, löndun með krönum hafnarinnar 478 kr. á hvert byrjað tonn.

Viðlegugjald.

14. gr.

Fristundabátar (undir 6 metrum)	6.235 kr. á mánuði
Fristundabátar (yfir 6 metrum gildir sama verðskrá og um báta undir 20 – yfir 20 bt)	
Fristundabátar (12–16 metra gildir verðskrá um báta yfir 20 bt)	
Fristundabátar (yfir 16 metrum gilda bryggju- og lestargjöld)	
Bátar undir 20 bt	10.350 kr. á mánuði
Bátar yfir 20 bt	15.025 kr. á mánuði
Bátar undir 20 bt fast legupláss	16.685 kr. á mánuði
Bátar yfir 20 bt fast legupláss	20.570 kr. á mánuði
Daggjald bátar undir 20 bt	3.115 kr.
Daggjald bátar yfir 20 bt	4.365 kr.
Skip yfir 80 bt	161 kr. á bt á mánuði
Gjald vegna aðstöðu fyrir olíuafgreiðslu 19.215 kr. á mánuði	
Í viðlegugjaldi eru innifalin lestargjöld, bryggjugjöld og vatnsgjald.	
Þeir bátar sem dvelja lengur í höfninni en 30 daga á ári eiga kost á að greiða viðlegugjald.	

Hafnsögugjald.

15. gr.

Hafnsögugjald	9 kr. á mælieiningu
Hafnsögugjald til og frá höfn	9.115 kr. pr. klst.
Hafnsögubátur	32.070 kr.

Farþegagjöld.

16. gr.

Fyrir hvern fullorðinn með farþegabátum og skemmtiferðaskipum 225 kr. Fyrir hvert barn með farþegabátum og skemmtiferðaskipum 95 kr. Skemmtiferðaskip skulu skila inn farþegalistum minnst einum sólarhring fyrir komu en farþegabátar með áætlunarsiglingar til og frá Hólmavíkurhöfn skila inn gögnum um fjölda farþega mánaðarlega. Eingöngu eru greidd farþegagjöld af greiðandi farþegum.

Siglingavernd (ISPS).

17. gr.

Öryggisgjald fyrir skip sem falla undir skilgreiningu hafnverndar	64.725 kr. á komu
Öryggisgæsla fyrir öryggisvörð í dagvinnu	7.420 kr. pr. klst.
Öryggisgæsla fyrir öryggisvörð í yfirvinnu	12.000 kr. pr. klst.

Skráningargjald.

18. gr.

Skráning í Gaflinn á afla vegna fyrirtækja með endurvigtunarleyfi 0,42 kr. á kg.

Um innheimtu og greiðslu gjalda.

19. gr.

Skrifstofa Strandabyggðar sér um innheimtu allra gjalda skv. gjaldskrá þessari. Heimilt er að leita samþykkis hafnarstjóra til notkunar greiðslumiðlunar við uppgjör skulda.

Séu gjöldin ekki greidd á réttum gjalddögum er áskilið að reikna dráttarvexti af gjaldfallinni fjárhæð skv. 6. gr. laga um vexti og verðtryggingu, nr. 38/2001.

20. gr.

Skipstjóri og eigandi skips bera ábyrgð á greiðslu gjalda þeirra sem greiða ber til Hafnarsjóðs Strandabyggðar vegna skipsins. Er skipstjóra skylt við komu til hafnar að gefa starfsmanni hafnar upplýsingar um skipið í samræmi við ákvæði 5. mgr. 33. gr. reglugerðar nr. 326/2004 um hafnamál og afhenda starfsmanni hafnarinnar þjóðernis- og skrásetningarskírteini skipsins, ef starfsmaður hafnarinnar krefst þess vegna ófullnægjandi upplýsinga frá skipstjóra og hefur hafnarsjóður haldsrétt yfir skírteinum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda áfallinna gjalda.

Áfallin gjöld skal greiða áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá sýslumanni eða tollstjóra, nema að hann sanni með vottorði frá starfsmanni hafnarinnar að hann hafi greitt öll gjöld sín til hafnarinnar.

21. gr.

Vörugjald greiðist af öllum vörum sem eru affermdar, afhentar eða fluttar á annan hátt sjóleiðis eða landleiðina, inn fyrir mörk hafnarinnar. Vörugjaldið reiknast skipi til skuldar áður en skip hefur siglingu, nema um annað sé sérstaklega samið. Vörugjald er á ábyrgð farmflytjanda og er afhending vöru án greiðslu vörugjalds á hans ábyrgð. Ef vörur eru fluttar úr einu skipi í annað greiðir sá vörugjaldið sem affermir.

Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar í skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt.

22. gr.

Öll gjöld samkvæmt gjaldskrá þessari má ávallt tryggja með aðför að undangengnum dómi. Skipagjöld eru tryggð með lögveði í viðkomandi skipi og/eða vátryggingarfé. Gengur það veð í tvö ár fyrir samningsveðkröfum sbr. ákvæði 2. mgr. 21. gr. hafnalaga, nr. 61/2003. Starfsmanni hafnarinnar er heimilt að krefjast frekari trygginga fyrir greiðslu áfallinna gjalda ef ástæða þykir til.

23. gr.

Öll gjöld í gjaldskrá þessari eru án virðisaukaskatts. Hafnarsjóði Strandabyggðar er skylt að innheimta virðisaukaskatt af öllum gjöldum í gjaldskrá þessari, sbr. 3. tölul. 3. gr. laga um virðisaukaskatt, nr. 50/1988.

Gildistaka.

24. gr.

Gjaldskrá þessi fyrir Hafnarsjóð Strandabyggðar var samþykkt í sveitarstjórn Strandabyggðar 10. desember 2024. Gjaldskráin tekur þegar gildi og fellur jafnframt brott gjaldskrá Hafnarsjóðs Stranda-
byggðar nr. 202/2024.

Strandabyggð, 18. desember 2024.

Þorgeir Pálsson sveitarstjóri.

B-deild – Útgáfudagur: 7. janúar 2025